

人物志四十七

湖北通志卷一百六十九

仙釋傳目錄

韋震

谿父

宋來子以上周

沙正以上漢

羅致福

曇林

蔡女仙以上晉

齋僧欽

僧亮

張氏女

程德度

慧遠

陳道器

范儕以上宋

張元始

鄧郁

釋亡名

尼太清以上梁

岑道願

智顛

淨業

慧達

嵩嶽慧安國師

孟靜素

慧哲以上隋

道信

弘忍

圓明

神會

慧暲

志百六十九

人物四十七 目錄

秀公

普岸

曹巨方

荊州比丘尼

羅思遠

道一

紫陽先生

貞倩

朱翁

趙鍊師

白崖

詹宏簡

費郎君

法常

龐蘊女靈照

張連翹

栖一懷濬

王卿

道悟

崇信

劉元靖

白乳僧

劉德本以上唐

胡恬

知節

張道宮

王保義女

陳九郎以上五代

從禮

善洪

王鼎

玉泉長老

張憨子

三朶花

張仲殊

宗賾



竟脫

慶預

德淳

慧徹

劉知常

承皓

法琳

宗連

守珍

如暖

張道清

自表

道初

洪譚

張相公

道完

費長鬚

無夢

唐守澄

石隱

王妙堅

劉仙女

田蓑衣以上宋

魯大宥

宋有道

張守清

唐洞雲

杜雲隱

懶狗祖師

陳祖秀以上元

黃鎮

覺來

王月台

眞了

漢萍禪師

張知隱

志百六十九

人物四十七 目錄

二

劉邁暹

柳夫人

死心和尙

楊師

梅道人

雲峰

無念

大智

心如

德心撮米和尙

法幢

慧光

傳然

賀長

趙童

雲庵

勝學

了豈

從鉉

秋風和尙

嚴蓬頭

道高

單道安

麤子李

行緯

黃衣和尙

何元齡賈太和

瞿一瓢

正晦

月堂

一門

墮宗

雷九功

寂明以上明

黃友石

中莖

草鞋道人

天定

福清

楊易生

曹邦南

潘守器

律懃儀佛

黃蘊和

生生道人

百子庵僧

張志中

松柏

幻寄如崇

冲然

正義

無逸和尙

宗海

戒岳

明星

正令宗毓

胡和尙

黃安尼僧

海門

宗一

宏淖禪師

實蔭竹風

響山和尙

胡古壑

佛志

長慶寺老僧

梁清格

鐵漢和尙

貫堂

萬慈

定松

寂宗

志百六十九

人物四十七 目錄

璽旨

鄭廣修

慧山

馬白眉

韓合宣

王道人

慈林

風僧

悟誠沙市僧

性空

可道

劉逢源

向宥

秦和尙宏源

德儀

李學松

常寬

清遠以上清

人物志四十七

湖北通志卷一百六十九

仙釋傳

周

韋震

太平御覽引作章震

南郡人少好學眾經周幽王徵之不出乃歎曰人

生世閒日失一日生遠死近而但貪富貴不知養性命命盡氣絕

則死位為王侯金玉如山何益于灰土乎獨有神仙度世可以無

窮耳乃師長桑子具受眾術別造一家之法著道書百餘篇後入

崆峒山合丹白日昇天而去

神仙傳

案周時無南郡此自後書之

谿父者南郡庸人也居山閒有仙人常止其家從買瓜教之鍊瓜

子與桂附子柏子實共藏而對分食之二十餘年能飛走昇山入

水後百餘年居山絕頂呼谿下父老與道平生時事云

列仙傳

宋來子楚莊王時人為市長恆灑掃一市時有一乞者入市經日

志百六十九

人物四十七 仙釋傳

一

恆歌曰天庭發雙華山源鄣陰邪清晨按天馬來詣太真家真人

無那隱又以滅百魔歌此乞食一市無解者獨來子忽悟遂師之

棄官追逐積十三年得授仙道

真誥

漢

沙正字玄真巴東人見於漢末說秦始皇時事了了常從弟子二

十人莫有見其開目者一弟子固請之正乃為一開目時有聲如

霹靂有光如電弟子皆不覺伏地良久乃能起後道成仙去李八

百常呼正為四百歲兒云

列仙傳

晉

羅致福黃梅人修道於縣北鳳凰臺丹成一日於簷下洗手水腥

乃曰龍有病乎可瘳也明晨有秀士以首疾謁福曰可示正形俟

我北郊毋驚人民尋往見一龍伏坎中斫其腦出白蜈蚣一傳以

丹丸龍徐騰去後名其地爲乾龍池致福於元康中明統志

曇林襄陽道人晉安帝時民謠詩云當有十一口當爲兵所傷木

巨當北度走入浩浩鄉又云金刀既以刻媿媿金城中此詩曇林

所作行於世孟顓釋之曰十一口者玄字象也木巨桓也桓氏當

悉走入關洛故云浩浩鄉也金刀劉也倡義諸公多姓劉媿媿美

盛貌宋書五行志

蔡女仙襄陽人幼而巧慧善刺繡忽有老父詣門請繡鳳眼畢功

之日自當指點既繡成老父觀之指視安眼畢雙鳳騰躍飛舞老

父與女仙各乘一鳳昇天而去時降於襄陽南山林木之上時人

名爲鳳林山勅於其宅置靜貞觀有真像存焉云晉時人仙傳拾遺

宋

齋僧欽者江陵人家門奉法年十許歲時善相者云年不過三六

志頁六十九

人物四十七 仙釋傳

二

僧欽彌加勤敬齋戒精苦至年十七得病危篤一巫云此郎福力

猛盛魔魍所不能親自自有善神護之蒙益兩算矣僧欽果差法苑珠林

僧亮江陵長沙寺沙門常願造丈六無量壽像功用既巨積年不

辦聞湘州銅溪山廟甚饒銅器欲化取充遂詣州刺史張邵請船

數隻壯士百人張曰此廟靈驗犯者輒斃恐此難果亮曰福與君

共死則身當張即給人船未至廟二十餘步有兩銅鑊容數百斛

見一大蛇長十餘丈從鑊騰出直身斷道百人皆退散亮乃振錫

告蛇曰汝前世罪業故受蟒身不聞三寶何由自拔吾造丈六無

量壽像聞此饒銅遠來幸可開路使我得前蛇乃舉頭看亮引身

去亮率人徒取銅器而還以元嘉九年畢功聲傳京師宋文帝奉

迎像還都高僧傳法苑珠林

張氏女江陵枝江張僧定之妹生元嘉中幼而奉法志欲出家常

供養小形金像父母嫁之誓志不行而密許邴氏及羔雁既至女悲呼不就燒香伏地取死此像遂放金光彌晃一身父母驚其通感乃不嫁之張邴二門因大敬信僧定爲之出家以其居建精舍焉

法苑珠林

程德度武昌人父道惠廣州刺史德度爲衛軍臨川王行參軍時在尋陽屋有燕窠夜見屋裏忽然自明有小兒從窠出長尺餘至牀前曰君卻後二年當得長生之道倏然而滅德度甚祕異之元嘉十七年隨王鎮廣陵遇禪師道恭因就學禪甚有解分到十九年春其家武昌空齋忽有殊香芬馥達於衢路闔境往觀三日乃

歇

法苑珠林

慧遠江陵長沙寺沙門初名黃遷本禪師慧印之蒼頭印每入定見遠是印之先師故度爲弟子常寄江陵楊家行般舟勤苦歲餘

志百九十九

人物四十七 仙釋傳

三

頗有感變一日十會通見遠身而般舟之處行道如故眾稍敬異之以爲得道孝建初自剋終日至期果卒

法苑珠林

陳道器居襄陽女觀山餌松柏年百餘歲登山往來未嘗喘息及

死如蟬蛻

輿地紀勝

范儕道士自言巴東人少遊荆土居枝江富城洲上惡衣麤食蕭散自得言未來事多驗而辭不可詳人心欲見歛然而對貌言尋求終弗遇也逕跨諸洲而舟人未嘗見其濟涉在洲無定止處宿

憩祇一小庵

水經注江水篇

梁

張元始荊州上津鄉人年一百一十六歲膂力過人進食不異至年九十七方生兒兒遂無影將亡人人告別乃至山林樹木處處履行少日而終時人以爲知命湘東王愛奇重異遂留其枕

南史案

荆門志云元始枝江人隱居荆門之內方山好黃老術能鍊形易貌也

鄧郁字彥達江陵人隱衡山洞靈臺之岐嶺足不下山惟以澗水服雲母屑常和金石為丹梁武帝建五嶽樓駐之一日青鳥降於隱所語弟子曰吾當去矣無疾而逝荆門府志

釋亡名本姓宋南郡人弱齡遁世吟嘯邱壑事梁元帝深見禮待梁亡遠客岷蜀周齊王憲鎮蜀亦加禮焉多所著述有集十卷行

於世荆門府志

宜都老尼太清閒誦經於紫竹庵庵臨溪側一日溪水暴漲老尼大笑擲蒲團於水中跌坐其上誦普門品順流由長陽江出大江而去莫知所之因名其溪曰師姑溪荆門府志

隋

岑道願江陵人隋初避亂泝三峽至萬州江南山巖下修煉食黃

志百六十九

人物四十七 仙釋傳

四

精百餘歲蛻迹而去明統志 雍正志

智顛姓陳氏公安人七歲入果願寺聞僧誦法華經念之即記憶宛如宿昔十年誓志出家依法緒於果願寺陳天嘉元年謁光州

大蘇山慧思禪師思一見謂曰昔靈鷲同聽法華今復來矣後辭思往金陵闡化七年謝遣徒眾隱天台隋晉王廣迎師至維揚既

克金陵因西上止於玉泉山尋還天台一日忽願侍者曰觀音來迎不久去矣命筆作觀心偈訖趺坐而逝傳鑑錄 指月錄 案 顛諸書皆作潁川人獨

公安志以為公安茅穗里人 府志同言潁川者其郡望也

淨業漢東隋人也精研律部博綜異聞仁壽二年被舉送舍利於安州之景藏寺初欲於十力寺置之行至景藏忽感異香滿院眾共嗟怪因而樹立將下舍利赤光挺出照於人物寺重閣上聞眾人行聲及往掩捕扇閉如初一人不見塔北有池沙門淨範為諸

道俗受菩薩戒乃有羣魚遊躍首皆南向似投歸相範卽乘船入水爲魚授戒魚皆迴頭繞船如有聽受都無有懼業慶其遇乃以舍利置於佛堂先有塑像菩薩一軀不可移轉至明乃見迴身面於舍利狀類天然一無損處屢興利瑞傳言不盡續高僧傳

慧達姓王氏襄陽人幼年出家繕修成務但據形勝之處皆措心營造安處寺宇晚上廬岳造西林寺重閣七閒初造之日誓用黃栴闔境推求了無一樹皆欲改用餘木達曰誠心在此豈更餘求必有其徵松變爲栴若也無感閣成無日眾懼其言四出追求乃得一谷竝是黃栴而在窮澗幽深無由可出達尋行巖壁忽見一處晃有光明可得通道遂牽曳木石至於江首閣遂成大業六年七月晦日示寂年八十七法苑珠林

嵩嶽慧安國師荊州枝江人也姓衛氏隋開皇十七年括天下私

志百六十九

人物四十七 仙釋傳

度僧尼勘師師曰本無名遂遁於山谷大業中大發丁夫開通濟渠饑殍相枕師乞食以救之獲濟者眾煬帝徵師不赴潛入太和山以終楚實

孟靜素安陸人隋文帝詔詣長安至唐貞觀十七年尸解岑文本作碑褚遂良書輿地紀勝

慧哲姓趙襄陽人住均州山巖中誦蓮經有白衣老人自謂俞公三反來聽曰我東溟之子謫居此地限滿得還斯我所居願奉仁者見俞公巖記輿地紀勝 慧哲俗姓俞

唐

道信姓司馬氏世居河內父爲永寧令徙於蘄州按永寧今廣濟唐武德四年分

隋開皇時未有此縣自後書之生而超異幼慕空宗隋開皇十二年始十四禮

三祖僧璨曰願慈悲乞解脫法門三祖曰誰縛汝曰無人縛曰何

更求解脫乎信於言下大悟服勞九載侍奉尤謹三祖屢試以玄微知其緣熟乃付衣法信既嗣祖風攝心無寂脅不至席者六十年大業十三年領徒眾抵吉州值盜圍城七旬不解萬眾惶惑信教令念摩訶般若經賊望雉堞閒若有神兵乃相謂曰城內必有異人不可攻矣稍稍引去唐武德甲申往蘄春住破額山學侶雲臻太宗三詔不起高宗永徽辛亥垂誠門人曰一切諸法悉皆解脫汝等各自護念流化未來言訖安坐而逝大曆四年賜號大醫

和尙是爲四祖

一統志

輿地紀勝

傳錄

弘忍蘄州黃梅人前身爲栽松道者當四祖居破額山時道者請曰法可得聞乎祖曰汝老再來當傳爾行至濯港遇一女子浣衣揖曰寄宿得否女曰有父兄在可往求之曰諾則敢行女首肯之卽回策坐化女周氏子歸家輒孕父母怒逐之隋仁壽二年女生

志頁六十九

人物四十七 仙釋傳

六

子以爲不祥棄諸濯港逆流而上見者異之復舉還母七歲隨母乞食里舍呼無姓兒四祖一日往黃梅路逢之骨相奇秀異乎常童問曰何姓曰姓卽有不是常姓曰是何姓曰是佛姓曰汝無姓耶曰姓空故無四祖默識其法器卽俾侍者至其母所乞令出家母殊無難色遂捨爲弟子以至付法傳衣是爲五祖號大滿禪師

五鑑會元

一統

指月錄

圓明蘄黃人武德中往曹溪參六祖道經贛州見一青蛇橫道叱之去復來心忽覺悟四顧山勢清高遂以錫杖插其處祝曰曹溪還此杖存是吾道場也三年返錫杖如故遂創寺居焉一日趺化

江西通志

神會襄陽人姓高氏年十四爲沙彌謁六祖祖曰知識遠來大艱辛將本來否若有本則合識主會曰以無住爲本見卽是主祖曰

沙彌爭合取次語便打師於杖下思維曰大善知識歷劫難逢今既得逢豈惜身命已而授記曰此子後設有把茆蓋頭只得成箇知解宗徒也祖滅後二十年間曹溪頓旨沈廢於荆吳嵩嶽漸門盛行於秦洛天寶四年方定兩宗會乃著顯宗記盛行於世五鑑會元

嶺海名勝記

釋慧嵩安陸人幼入道門卽懷遠量承苞山明法師興皇遺囑世稱郢匠通國瞻仰因往從之武德初年下勅窮討事本不實誣者罪之嵩惟道在人宏義須知返乃旋途南指道出荆門隨學之賓又倍前集逾五載還返安州方等寺講說相續以貞觀七年卒於所住春秋八十有七高僧傳

釋秀公者齊安人也髫年往蜀郡禮興律師諷誦經典四載入長安造宣律師門涉十六年向黃州報所生地次往安陸大揚講訓

志百六十九

人物四十七 仙釋傳

七

聲美所聞諸王牧守攸共遵承正化緇徒咸摹細行有貞固律師居其上席解冠諸生最顯清名餘皆後殿其諸成業不可勝算春秋七十餘卒高僧傳

釋普岸姓蔡氏漢東人也冲弱之齡迥然聰敏及陞戒品便習禪那壁坐忘疲觀心恆務蒼荀附風而香遠戲貓逢獸而吼高學者成圍請於安陸壽山院坐道場大利羣機得道者眾高僧傳

巨方安陸人也姓曾氏幼稟業於明福院朗禪師初講經論後參禪會及造北宗秀師問曰白雲散處如何師曰不昧秀又問到此閒後如何師曰正見一枝生五葉秀默許之入室侍對應機無爽尋至上黨寒嶺居焉數歲之閒眾盈千數後於五臺山闡化二十

餘載入滅年八十一

景德傳燈錄

荆州比丘尼者姊妹同誦法華經深厭形器俱欲捨身節約苦行

漸斷粒食僅食香蜜一日周告道俗剋期自焚貞觀三年二月八日於荊州大街置二高座布蠟纏身惟出面目誦法華經至藥王燒處一時火化二舌獨存眾為起塔續高僧傳

羅思遠各本俱作公遠雲笈七籤又以公遠思遠為二人今從唐書開天傳信錄與唐書同鄂州人幼好道

隱於傭寡言語值郡中大設忽於眾中叱一人去其人奔入江眾異之刺史問所以則曰彼白龍也將為城邑害故叱之刺史疑其詐乃與登樓作符投之江有頃白龍見時玄宗好仙術刺史表以進召見試其術有異時嘉賚焉帝常就之學隱形思遠不可曰陛下玉書金格既簡九清矣誠宜習唐虞之無為嗣文景之儉約卻寶劍不御置良馬不策豈當以萬乘之尊宗廟之重而輕徇小術徒事此戲翫為強之不肯盡其術帝試自隱常餘衣帝共試乃驗厚賜金帛卒不得帝怒裹以幘壓殺之數日有中使者自蜀還遇

思遠駕而西笑曰上為戲何虐也因致蜀當歸中使達於上天寶

末帝幸蜀還京乃悟當歸之寄云唐書方伎傳 神仙感遇傳 仙傳拾遺

道一漢川人姓馬氏本邑羅漢寺出家開元中習禪定於衡岳山中遇讓和尚密受心印學者雲集轉化無窮貞元四年正月登石門山謂侍者曰吾之朽質當於來日歸茲地矣既回示疾院主問候師曰日面佛月面佛二月一日跏趺坐化圖書集成引舊志

紫陽先生姓胡失其名漢東人也生便開悟於三教諸書能窺見大旨八歲登仙城山脩然有出世之想歸而凝思累日復取道藏諸經讀之漸多超解稍稍行導引法即能數日不食遊衡湘間遇異人教以吸景煉氣歸隨州構飡霞樓居之與李白元丹邱元演數人高談混元已而復出東抵良常謁天師李含光遂傳無為要旨天寶初徵為西京太微宮使嘗謂魏伯陽參同契一書是性命

宗旨而後世錯解以爲龍虎鉛汞之訣故語多支離因作參同契解以闢謬說久之放歸至葉縣雪橋祠目若有覩泊然而化歸葬郡南新松山輿地紀勝

貞倩失其姓氏隨人也少任俠好結交至破其產中年浪跡四方

迄無所就遂歸入仙城山爲僧於是屏除一切惟日吟咏聞李白

時在江夏卽往見白定文字交白有送倩公歸漢東序隨州志

朱翁鄂州道士精編地法築石穿池環布藥蔬手植松柏成十圍

與將士陳士明鄰士明幼而好勇每侮翁翁曰吾試與汝戲飲之

酒使歸士明家相去二三百步自辰至酉不達度其行逾五十里

顧視未百步乃拜翁求恕翁笑而釋之後杖履浪遊不知所終統志

趙鍊師荆南紫極宮道士修真煉道天寶十四載積薪自焚日正

志百六十九

人物四十七 仙釋傳

午假火上昇爐中得遺簡書二頌曰我生於虛置我於無至精爲

神元氣爲虛形爲灰土神與仙俱眾垢將畢萬事永除輿地紀勝案荆州府志云趙慧宗宜都人得九天仙籙三洞祕法天寶末忽於縣東北積薪自焚眾往觀之宗怡然坐化火既盡其下草猶綠疑卽一人

白崖蘄州高溪寺僧有人願從其教師曰汝凡胎也引入山閒剝

滌五臟途人驚往視之尋覓弗獲惟見一石齒刺山麓儼然白崖

形其下有石刻詩云金殿重重鈴動風有龍飛入碧雲中晚來落

盡山前兩人借僧房鶴借松黃州府志

宏簡廣濟靈東鄉詹氏子自幼修行始挂錫鹽井寺後至馬口義

臺山建立道場坐化是爲大德禪師黃州府志

費郎君名光輝廣濟人母劉氏餉夫於田震雹晝海感龍而孕三

年生郎君不喜乳喜嚙澗中水數歲與羣兒戲水塾師詣河濱罵

之忽雷雨山中水起四顧大霧遂失郎君所在越數日忽自來踞於庭曰吾龍也三年將俱往至期果以父母去故居明水山側鄉人於其地立廟祀之

黃州府志

法常襄陽人姓鄭氏初參馬祖問如何是佛祖曰卽心是佛常卽大悟遂之四明梅子貞舊隱縛茆燕處祖乃令僧問和尚見馬大師得甚常曰大師道卽心是佛僧曰大師近日佛法又別又道非心非佛常曰我祇卽心卽佛其僧回舉似馬祖馬祖曰梅子熟也一日謂其徒曰來莫可抑往莫可追汝等諸人善自護持言訖而

卒

五燈會元

龐蘊字道玄衡陽人後居襄陽自號襄陽處士貞元初謁石頭遷禪師豁然有省石頭曰子緇耶素耶曰願從所慕遂不剃染後參馬祖於言下頓領玄旨以舟盡載珍橐數萬沈之湘流舉室修行

志頁十九

人物四十七 仙釋傳

十

人稱之龐居士有女名靈照常鬻竹漉羅以供朝夕一日居士將入滅視日中未出戶次靈照卽登父座合掌坐亡蘊曰我女機鋒捷於吾矣更延七日奄然而化

一統志唐詩紀事

張連翹唐時女道士黃梅人兒時汲水見井生蓮花漸出井口探取數四遂墜井家人訝久不返往視見連翹立井中及出云饑甚日食數升六七日後遂不食歲時或啖棗數枚父母因命出家年十八見天雨黃藥三丸取吞之立死有頃復甦自是機神清朗天寶末忽辭父母如有所適其時眾見五色雲擁一寶輿自天而下連翹乘之而去

黃梅志嘉慶志

栖一武昌人工詩與皎然貫休同時倡和乾寧中又有懷濬者秣歸人亦能詩善草書與人談休咎尤有奇驗刺史于公以其惑眾繫而詰之懷濬答以詩刺史異而釋之

全唐詩歸州志

王卿郢中人以酤酒爲業貞元中每節日常有一道士過之飲訖出郭去如是數年後道士復來卿遂結束潛行隨之數里道士顧見大驚曰何來卿乃禮拜願神人許爲僕使道士固辭卿固隨之每過澗壑或高濶丈餘道士踰越輕舉卿踵之亦能渡也行數十里一巖高百餘丈道士騰起卿不能遂哀求禮拜道士自上謂曰汝何苦從我卿曰前所渡險阻皆賴尊師今歸無路必死矣道士垂手令卿舉手閉目躍身已至巖上平曠不類人間又行十餘里至道士舍得見天師天師令竈下守火經六七日遣歸至郭已經年遂爲道士十餘年後遊太原不知所終

太平廣記

道悟渚宮崔氏子年十五依長沙寺曇翥雜染受具于嵩山和尚南謁馬祖言下大悟祖屬曰汝若任持莫離舊處悟返荊州結草爲廬節度使來訪初怒悟不加禮擒擲江中及歸徧街火發乃悔

志貞十九

人物四十七 仙釋傳

十一

設拜躬往迎之見悟在水衣都不溼益相敬重遂於城西造天王寺供焉住持十餘年杖錫過蘄春登雙峰卓錫龍峻之墟結茅黃梅紫雲山卽寶掌故址將新老寺有老人前拜曰吾烏沙潭龍也冥罰當死請救悟問汝能易形曰能乃化小蟲伏襟帶間是夕雷雨大作明日老人拜曰非師幾腥此山矣請助工水取之井米取之石如其言寺成元和十三年示寂

嘉慶志
黃梅志

崇信渚宮人其家賣餅少而英異初悟和尚居天皇寺人莫之測信家於寺巷日以十餅饋之悟每留一餅曰惠汝蔭子孫信自念曰餅是我持去何以反遺我其別有旨造而問焉悟曰是汝持來復汝何咎信聞之頗曉玄旨因投出家悟曰汝昔崇福善今信吾言可名崇信由是服勤左右一日問曰某自到來不蒙指示心要悟曰吾未嘗不指曰何處曰汝擎茶來吾爲汝接汝行食來吾爲

汝受汝和南時吾便低首吾何嘗不指示心要信低頭良久悟曰見則直下便見擬思即差信便開解復問如何保任曰任性逍遙隨緣放曠但盡凡心別無聖解也信後詣禮陽龍潭棲止五鏡會元指

錄月

劉元靖武昌人師王道宗為道士徧遊名山入南岳穴石以居絕粒鍊氣敬宗召見思政殿問長生術尋放歸武宗復召入禁中受法籙賜號廣成先生還山宣宗時忽聞天樂浮空而去惟杖履在

焉

明統志

白乳僧廣明中住彌勒院戒行精專黃巢兵殘郢復二州脅之不服巢怒殺之刃加頸白乳涌出郢人收其遺骸累土為浮圖輿地紀勝

清一統志

劉德本鄂州人好古多藝商販於江湖乾符中歲大饑散米數萬

志頁十九

人物四十七 仙釋傳

十三

石販之黃巢亂避地五老峰下有鹿裘道人來訪把臂入深礪忽一老人邀入山院丹碧輝麗顧之曰此洞天也以汝行善故許至語畢不見道人曰汝得名仙籙矣後徧遊名山竟仙去明統志

五代

胡恬安州人生五代時有仙術盲者馬處謙鬻筮市中自給恬謂之曰子筮未臻其妙盍從我學乎隨往陶仙觀受星算之訣凡一十七行自是筮事多奇中安陸志

知節失其姓荆門人開運中結廬西山荆南高氏出師攻伐道荆門知節告以成敗悉驗每荷笠下山即雨驅猛虎與之並遊結廬

潭上蛟龍避焉

康熙志

張道宮江陵人號紫府先生高文獻王時羽化於沙市紫府觀葬於觀後逾月有吏自成都來云紫府先生有書啟視之云臨行忘

履一隻在棺中開家果空棺隻履存焉驗發書正羽化之日輿地紀勝

名勝志云有吏見之於成都寄以雙履而返

荆南仙女者平江節度使王保義女也兒時聰穎不凡五歲通黃庭內外經及長善琵琶一夕夢仙人被羽服自稱曰麻姑傳以樂

曲自是每夕輒夢遇之歲餘得百餘調都非人閒所有其尤者名獨指商已而適高保節復夢麻姑至曰即當相邀明日庭中聞雲

鶴音樂女奄然而逝荆州府志

陳九郎大治啟石里人五代末嘗總土兵守本里與賊戰不勝走

泉洞死之屍流出洞漁人舉網得而置之明日復得如是數次其時大旱禱云若為仙明日可得雨乎果大雨遂塑像祀之其後禱

雨輒驗人稱為陳九郎仙一統志

宋

志頁六十九

人物四十七 仙釋傳

從禮襄陽人居台州平田精舍慎重莊默處誠持戒錢武肅王聞之召入府建金光明懺法道場所施利隨散寒暑惟一衲日惟

一食常坐不卧年九十七無病卒襄陽府志

善洪襄州鷲嶺沙門咸平五年春乞往西天取經併佛牙舍利有旨聽行自秦州永寧塞入藩後入尸毗國得佛牙五枚舍利五十

粒路過大小雪山七十五重江河不得底者大小三十三渡經過三十九國以祥符八年四月還京真宗御便殿迎進佛牙舍利賜

善洪紫衣銀絹善洪願住隨州大洪山既至大洪合佛牙舍利并

葬於隨輿地紀勝引漢東志

王鼎襄陽人初寄身醫卜後遇鍾離得仙術自號王風子不見其飲食嘗行江干人見水中有二鼎影怪問其故鼎曰若更欲見之

乎須臾見十影眾皆驚異真宗召至禁中長揖不拜後辭去不

所之所著有修真書

明一統志 嘉慶通志

玉泉長老善相術章獻明肅皇后微時隨父至玉泉長老謂后為

貴女贈金百兩至京師真宗即位正位宮闈仁宗時垂簾聽政召

之不至

邵氏聞見錄 輿地紀勝

張慙子黃州故縣人本姓盧為張氏所養行止如狂人見人輒罵

放火賊稍知書見紙輒書鄭谷雪詩冬夏一布褐三十年不易近

之不覺有垢穢氣蘇軾使人召之欣然而來既至立而不言與之

言不應使之坐不可但俯仰熟視傳舍堂中久之而去

東坡志林 參詩集

三朵花或云姓李氏隱於房州之福溪巖每戴紙花三朵入市市

人圍繞爭呼之但笑云休打裏休打裏者房人之言猶云莫要如

此也有二三老人翁嘗從之遊閒入山邀之入城飲酒輒語使去

翁還到城李已先在迨同詣酒家所沽錢盡而興未已李探手於

志三十九

人物四十七 仙釋傳

腰閒小竹箠中取錢索酒翁竊視其箠無所有自取依然滿案久

之忽與諸人告別不知所屆房州通判許安世以書遺蘇軾言吾

州有異人常戴三朵花人因以三朵花名之能作詩皆神仙意又

能自寫真人有得之者

夷堅志

仲殊字師利俗姓張氏名揮安州人初舉進士能文善詩歌操筆

立就少遊蕩不羈其妻投毒羹中幾死啖蜜而解醫云復食肉

則毒發不可療遂棄家為浮屠居蘇州承天杭州吳山寶月諸寺

常啖蜜號蜜殊蘇東坡守杭時與之厚一日與數客過訪設齋供

必漬蜜食客多不能下筯惟東坡能與共飽因作安州老人食蜜

歌贈之崇寧中忽上堂辭眾夜閉方丈門自經死及火舍利不可

勝數著有寶月集

老學庵筆記 吳郡志 輿地紀勝

宗蹟號慈覺襄陽人少習儒業志高學博年二十九禮真州秀禪

師出家元祐中住長蘆寺迎母於方丈東室製勸孝文葦江集坐

禪箴康熙湖廣志

竟脫郢州林溪僧行高悟深嘗卓錫於纂子山泉水湧出康熙湖廣志

鍾祥志

慶預姓胡氏世居郢之京山年十四依道楷於大陽又十年受具戒楷器其所證遣佐丹霞德淳政和三年草寇李昂竊發於鄧鄩寺之運糧丁為賊所掩盡奪糧以去已而賊得吏視布囊有丹霞字謂賊所從來將網坐之主事僧俱駭竄預時主藏事獨惻其無辜乃越而代之以身訊阨於囹圄者半年事竟白南陽之民至以預羅漢命之七年主水南興國賜號慧照大師宣和三年徙於大洪預之居大洪羣盜環山如林預日據繩床頤指閑暇外飭其役之強毅者固守內帥其徒謹禪誦若是數年士大夫之家避亂賴

志頁六十九

人物四十七 仙釋傳

五

以免者猶七八百數紹興元年隨州闕守通判王彥威與州縣官皆寓山寺慶預守山以扼賊三年下廬阜入閩閉關於雪峰十年夏微疾索筆書偈而瞑繫年錄 慧照禪師塔銘

德淳襄陽賈氏子幼不茹葷依大安寺出家究教典通藝學至大陽山訪芙蓉老人老人以為眾表嘗謂眾曰寶月流輝澄潭布影水無蘸月之意月無分照之心所以昇天之事直須颺卻十成之事直須去卻擲地金聲不須回顧若能如是始解向異類中行政和七年疾於洪山書偈端坐而逝是為青原十二世曹洞宗五鑑會元慧徹襄州石門僧嘗謂眾曰一切眾生本源佛性譬如朗月當空祇為浮雲翳障不得顯現為明為照為道為路為舟為楫為依為止一切眾生本源佛性亦復如是是為青原七世曹洞宗五鑑會元劉知常襄陽人生而赭面皓首里俗謂之社公兒年十四五出遊

十年因訪李府御帶爲中都之遊李府慈懿皇后宅也慈懿晦迹漢川之日道清過其父李道道聞善相人命諸女出拜慈懿在中道清驚曰此天下人母何敢受其拜耶至是光宗在儲齊安郡主病亟慈懿曰若張先生來病可療但卒難至耳李府以告東宮卽召入咒水以進郡主立甦孝宗厚賜皆不受東宮鏤眞牧二字以賜

湖廣志云光宗疾召治之賜號眞君嘉慶通志云光宗召治疾賜號眞牧眞君皆有不合

召見非問不答歸

長森營萬壽觀十四年入九宮山光宗臨御齊安主又病璽書宣召以九宮方闢命徒王宗成赴京旋入覲亦不樂久居未幾乞歸士庶感恩乞靈者千里而來殿宇至不能容大旱禱雨如注寧宗臨御賜號爲眞牧眞人道清雖闢九宮以長森先人所在時歸省視金人入京長森當要道羽眾奔逃道清端坐堂上亂兵曳之弗能動彎弓環射矢盡落舉火焚祠自息皆愕眙曰此南朝得道仙

志頁十九

人物四十七 仙釋傳

七

子不可干犯人因指長森爲道仙觀開禧三年七月諭眾曰死生一晝夜也出入一乾坤也吾今洞然八荒了無罣礙爾等宜各守戒行循規積功以報君親頌畢端坐而逝

謝聞韶張眞君傳

自表蘄州五祖山僧初依演師最久未有省時圓悟爲座首表往請益悟曰兄有疑慮語我表遂舉德山小參三十棒悟卽語之表初不解因靜坐體究及旬頓釋所疑詣悟禮謝悟曰兄始知吾不汝欺又詣方丈祖迎笑自爾日深玄奧祖將歸寂遺言郡守守命嗣其席衲子四至不可遏抑榜門曰東山有三句若人道得卽挂搭衲子皆披靡一日有僧攜坐具徑造丈室謂師曰某甲道不得祇要挂搭師大喜呼維那於窗下安排是爲南嶽十四世臨濟宗

五鑑
會元

道初蘄州龍華寺僧機辯峻捷門人罔知造詣一日謂眾曰昨日

離城市白雲空往還松風清耳目端的勝人閒召眾曰此是先師末後句有頃脫然而逝是為南嶽十四世臨濟宗五鑑會元

洪謹襄水扈氏子自遊方一衲以度寒暑嘗與數耆宿至襄沔聞一僧舉論宗乘頗敏捷會野飯山店中供辦而僧論說不已謹曰

三界唯心萬法唯識唯心唯色眼聲耳色是甚人語僧曰法眼語曰其義如何曰唯心故根境不相到唯識故聲色攸然曰舌味是

根境否曰是謹乃以筯筴菜置口中含胡而語曰何謂相語耶僧不能答謹曰途路之樂終未到家見解入微不名見道參須實參

悟須實悟閻羅大王不怕多語僧拱而退謹後隱於衡嶽是為南嶽九世臨濟宗五鑑會元

張相公者麻城人行七以毀沿江淫祠繫獄會縣有火災釋張捍之張跨烏騅執朱挺指火火滅遂至縣西北五腦山人馬俱化因

志真十九

人物四十七 仙釋傳

建祠祀焉一統志雍正志

道完俗姓林應城人息心了義妙解宗旨有僧問雲從龍風從虎未審和尚從甚麼師曰一字空中畫又問如何是一乘法師曰斗

量不盡又問怎麼則動容揚古路不墮悄然機師曰怎麼是悄然機僧舉頭看師舉起拂子僧喝一喝師曰大好悄然續傳錄

費長鬚者不知其名宋南渡後隱居武當日以栽杉為事今五龍宮後杉皆其手植一日忽遇道者曰子神清矣惜無鬚以手領之

經宿覺有物如絲縈於胸前視之鬚已長尺餘甲午三月一日初旦人見雲中隱隱有跨鶴者視之惟杖履存焉襄陽府志

無夢武昌人嘗遊畿內村落手持木牌書云身為車兮心為軾車動軾隨何計息交梨火棗是誰無自是不除荆與棘身為客兮心

為主人翁平和客安堵若還主客不安寧精神當定辭君去後還

鄉里坐化鄉人建菴庇之其髮每月生一二寸人薙之復生病者往祈藥他日於器中取之輒有奇效

堅瓠集

唐守澄隨州人幼入武當為道士姿貌清奇杖頭長掛葫蘆數十往來均房閒豫道人吉凶多奇中常無故叱辱人人被叱辱者必

得福慶人稱之曰唐風仙或立積雪或臥道旁常有虎豹守衛住

紫霄南巖諸宮年八十餘道著遠近點墨片紙可療異疾度徒百

餘人解化之日面若童子

一統志康熙湖廣志

石隱漢川人少棄家披薙茹苦自給及長乃窺閱儒書釋典慕衡

岳幽邃遂往遊焉藜羹藿食殆四十年胸中有所得一寓於詩有

和珙禪師石屋山居詩五十六首自署响樓逸叟

尹氏備志漢川志

王妙堅興國軍九宮女冠也居常以符水咒棗等術行乞村落碌碌無他異既而至杭有婦人問以髮腫不可梳者可禳解否曰此

志頁六十九

人物四十七 仙釋傳

九

細事命市麻油半斤燒竹瀝投之且為持咒沐髮良驗恭聖楊后

聞之召入宮賜予甚厚為創道宇賜名明真累封真人

齊東野語

劉仙女居黃梅縣東密蜂岩側父業農每出耕女輒豫言陰晴宜

持蓑笠與否皆驗後入山不知所往土人祠之名曰仙女洞

雍正志

田蓑衣不知其名隱武當石室冬夏止一蓑衣隆冬氣如蒸夏則

溫涼人有疾叩之者摘衣草吹氣與之即愈端平閒失所在有丹

室爐竈存焉

武當傳和山紀略

元

魯大有號洞雲應山人初入武當山學道單衣菲食四十餘年預

知禍福時人神之元兵破襄漢渡河訪道西絕汧隴北踰陰山至

元二十年歸與道士汪正常等復修五龍紫霄壇宇躬執耕鑿墾

山鑿谷種粟為食繼率其徒翦蒼翳驅鳥獸通道乃構虛夷峻拔

木窮谷刊石穹巖爲宮歷二十餘載乃成農眾萬指一統志 康熙湖廣志

雪樓記

宋有道字德芳沔陽人有道術無雲則能以杖行雲有雲則能披雲見斗時號披雲真人一日遇馬丹陽授以金丹火候祕訣行之兩年能分身元世祖召邱長春及諸道士十八人有道爲首後以道法授李太虛寓京師之長春寺坐逝沔陽州志 稟

張守清宜都人幼習舉子業未成棄去更爲縣曹椽既而嘆曰河清可俟人壽幾何奈何不早自爲計遂爲武當道士皇慶元年三月京師不雨詔守清禱雨雨降明年春不雨禱而雨又禱又雨兩宮大悅初魯大宥居是山結茅南巖或請作宮庭曰非爾所及也其人將至俄而守清自陝西至年三十一願爲弟子大宥欣然曰吾遲子久矣卽授道要至大元年皇太后復遣使徵赴闕及禱雨

志真十九

人物四十七 仙釋傳

三

輒應賜號體元妙應太和真人武當山志

唐洞雲江陵人宋參知政事唐介之後家貧父母遣從老氏學師李雲庵駱遜齋遜齋教之曰子雖學道當讀儒書由是事佔畢遂通大義父病割股糜中以進母忘雖空乏猶竭力資薦一日將作齋需蠟爲炬無從得夢至樹下有老人遺釵一股明日偶憩樹下見樹有大窠蠶自窠飛集身因取斧斯樹蠶房無算致蠟數十斤給用鄉里稱其孝感大德初設荆襄道教都提點所選爲掌書記皇慶中授誠明中正元靜法師江陵路元妙觀住持歐陽元仙都宮記杜雲隱黃陂人爲洞庭湖君山廟祝能知水面風波與人語輒有驗至元十六年勅封普通廣化真人黃陂志

懶狗祖師嘉魚人俗姓張名紹思依靜寶寺爲僧溷跡和光借齋行願休糧不食者數年出則乘白馬不加鞍勒一黑犬相隨終其

身不暫捨元至正六年入塔端坐而化逮明楚昭王時屢著靈

王賜以師號為修其塔

一統志 嘉魚志

祖秀姓陳氏襄陽人九歲好內典不飲酒茹葷既長遊荆門西山見海會寺基翦伐荆榛罄鉢囊再葺之大德閒無病卒

襄陽志

明

黃鎮武昌人少為繼母所窘逃於武夷山遇異人授法召天神立至命移樹頃刻風雷交作樹東西植及歸值歲旱母命漑園因磨墨染符黑雲大雨不出園出為郡縣祈雨雨亦不出境一日母迫之忽自經於九曲亭舉棺人疑其輕啟視之惟一履存焉

一統志 雍正志

覺來嘉魚諸生博綜內典遂棄功名結草獨居負米自給不受人一縷半粟習止觀修靜土心臆洞然坐化之日感應殊異

一統志 雍正志

王月台崇陽龍頭觀道士有異術歲旱入巖洞騎龍出大雨隨之

志百六十九

人物四十七 仙釋傳

三

洞旁有室其修真處也今石床蛻骨猶存

崇陽志

真了號雙融大治張氏子幼嗜內典不茹葷親歿披剃入天台萬曆閒起淨業道場弟子數十人日申明約束請佛經於朝造樓供養已而屬徒眾戒之曰人辭親出家當於無量劫中求至道何徒事此興建為耶母乖而師志而師行且逝矣跌坐而卒

大治志

漢萍禪師諱通傑漢陽人也俗姓楊三歲嗣徐氏二十七剃落即

首謁黃蘗無念師不契乃入廬阜凌霄巖結茆力究聞溪聲有省

爰徧參幽博無異雲門湛然諸禪師雲遊歷宇內凡吳魯燕晉之

山川靡所不至其名公巨卿留意禪宗者皆與為方外友無何泛

舟抵都門訪笑巖祖塔得於荆榛蒼莽中力為整葺因寓京邸道

風日著後於翠微山勝水禪林示寂年六十有六

日下舊聞考

知隱字如心孝感張氏子為僧黃陂有石窟穹谷蟠林豺虎蛇虺

宮之樵獵不敢近如心子身持盃往敷坐念佛卒無所害居六年徙居大勝關之三清庵賊至見執拔刀斫之不入其渠帥曰聖僧也更羅拜迎之如心脫去駐錫龍泉寺每晝夜讀法華經一部佛號六萬聲一日至雙泉寺語眾曰吾將西歸更衣結跏坐澄息而

逝

漢陽府志
孝感志

劉邈暹名方衢字天亨沔陽人少穎悟隨口成句詠水牛云不用麻繩不用牽任他嬉逐任他眠饑餐天上長春草渴飲人閒不斷泉及長讀易有悟遂棄舉子業遊鄂渚居鳳凰山麓之五聖祠倚牆編荻蓬布石坐臥其上三十年取市中敗絮敝縷補綴爲衣鄂人初厭之已而異之呼之爲邈暹仙云

沔陽志

柳夫人其先蜀人後家黃岡大父秉忠父正皆仕元夫人生而靈異齠年遇賊掠之不屈刃之無所傷稍長好道及識緯術歸龍氏

志頁十九

人物四十七
仙釋傳

三

子其父謀抗明兵夫人諫不聽遂與婿敗死夫人爲俘洪武元年放還至陽邏虎頭磯居焉因入山績麻有老叟袖符籙一卷授之曰能明此通鬼神役六丁矣鄧愈討麻陽道陽邏微服往見夫人望而識之且謂愈曰將軍無輕敵脫有急吾當相助愈問其徵曰羣鴉作陣則我來也進討果失利天忽晦冥羣鴉翔集見夫人緋衣躍馬空中風霆交作轉石揚沙愈乘之大勝麻陽平歸奏太祖賜封妙眞夫人年九十解去

雍正湖廣通志

死心和尙黃岡貢生袁文煒也因遭坎壈削髮於京師崇國寺漢陽蕭丁秦王袵與爲禪侶公安袁弘道兄弟招之作吳越遊已而歸愛大別山水於藏經閣後築室一區迎母以養焉

黃岡志

楊師失其名住鐵爐寺言事輒驗鄉俗歲上元謂諸天會爭得師至期皆有師在鄉人鄭賈將之彭蠡師送之曰行有難然無害也

一日與人弈忽睡俄而覺屨襪盡濡及鄭賈歸云是日大風舟幾覆見師以足鎮舟遂濟年百餘歲化去有二女皆修行黃岡志

梅道人蘄水竹瓦店農人也得異人術乃掘土室可容膝坐臥其中五十餘年其子日以糜粥數甌餉之子死孫繼之寢處置黃庭

經一卷時時展視人叩其道默不言朱顏豐澤膚膩如脂土室外雪深三尺不冠而出徘徊冰稜中不寒年八十餘坐逝即土室封

之雍正志

雲峰姓張蘄水人遊方六十年歸里故人無一存者惟一朱氏媪識之或叩以正嘉閒事皆不知但曰當時三公廟前止數家不如

今之多也崇禎五年卒百有十七歲雍正志

無念名深有麻城熊氏子少孤披剃徧遊諸方參一名宿請開示遇此人方鉏瓜菹即曰黃瓜茄子無念參此語者四十年初不識

志頁十九

人物四十七 仙釋傳

字忽然通悟偈頌書札口占如流晚入黃柏山建大禪林門庭高峻無上堂窠曰其徒常聞本其從子也從之披剃為人淡薄無求居三十年不下山豫築一壙可出入有過訪者輒率同坐其中或以為嫌則曰生寄死歸汝終不免耳相知者死列名祝之而自署

名於末云雍正志 麻城志

大智麻城童氏子以苦行證果嘗至南海普陀山山濱海大智曰何惜千步沙為老僧經行地耶次日即湧沙千步有沈蓮池者造

佛刹欲迎大智居之大智潛往燒火三年蓮池不知後見蓮池與

眾異食大智乃去不肯留黃州府志

心如俗姓王黃安人苦修頓悟楚藩迎主修靜寺後端坐而化鼻

中玉筋雙垂異香四散雍正志

德心住蘄州三角山初不識字司炊爨後閉門三年遂得頓悟悉

解諸經言未來事輒驗久之去之蜀時又有撮米和尚者栖羅田雲山洞中日止食米一撮一跌坐輒七日問休咎多驗臨化令其徒投骨水中不沈

雍正志

法幢廣濟李氏子父雲隆夢四祖山僧借居生幢稍長剃度以僧尚智爲師洪武十七年忽語智欲往余志五家託生遂化已而果生其家智來視之卽笑投其懷歲餘抱至寺中禮佛徑入禪居取其舊物呼法幢則應自此日誦法華圓覺諸經洪武末召至京

師居報恩寺仍賜名法幢

廣濟志
黃梅志

慧光黃梅黃氏子幼嗜佛法親沒祝髮參安慶遇法界和尚隨之京師夜夢神告以當主寒溪遂歸武昌時寺已傾圮慧光坐荆棘中七日不食土人感動醵金爲修寺

武昌志

傳然姓潘氏家於安陸東郊爲郡小吏一日問法於禧公言下大

志頁十九

人物四十七
仙釋傳

舌

悟遂祝髮常跣足居草庵中流寇至不避賊問曰如何成佛曰不殺人不放火便是活佛賊擲弓矢羅拜去

一統志

賀長雲夢人年可百歲許正德閒於縣之南門外鬻糖已輒飲醉醉卽笑無一語明日復如是或叩其賣糖何資買酒何錢亦不答而笑凡三十年一日謂鄰人曰明日死矣詰朝啟戶視之莫知所往

雲夢縣志

趙童應城人洪武初乞食縣中莫詳其年壽自稱爲童懸藥杖頭治病立愈邑中九十許老人言幼時見童貌至今未改雪時輒露坐去坐丈許無雪溽暑臥赤日中無汗垢日住應城不他出而人多於襄郢荆岳聞見之嘉靖二十八年徧辭市人曰吾行矣越三日江西張真人以舟迎去拜求長生術數月無一言真人怒加以刑童遽死令人瘞之昇棺覺輕啟視之惟竹杖存焉

一統志
應城志

雲庵應城人爲景陵白龍寺僧貌奇古左趾長尺餘人稱大脚和尚精內典能詩常坐暗室彌月不食不語年七十餘晨起參佛坐化觀音閣室香七日面如生

天門志

勝學號無念應山陳氏子九歲祝髮往參荊州無極和尚豁然有悟遊姑蘇謁萬峰蔚禪師機語相契書無念二字付師曰此爲汝道號後師自豫章諸州行腳還會蔚相訪出法衣一領付之洪武中楚昭王迎至洪山尋遷九峰奏聞召見賜予甚厚年八十一卒

建塢九峰獅子巖之陽葬焉

康熙湖廣志

了嘗號鼎庵應城人幼出家爲四聖寺僧天順八年淮王聞嘗名卑禮致書遣人迎之嘗不肯入王宮乃爲建寺於廬山衲子皈依者至千餘人

應城志

從鉉字又鉉安陸州人正統八年其母夢韓湘入室而生骨相奇

志頁六十九

人物四十七 仙釋傳

五

偉篤好道家言謝婿聘游嵩華遇異人授大還藥丹成蹤迹無定嘉靖間猶時時問其家萬曆十八年承天守阮屏麓自言游華山失路遇道人指引問知爲鉉時已百四十餘歲後不知所終

雍正志

鍾祥志

秋風和尚安州人居崇果寺惟掃地焚香蠶樸若無知者市物不計值以募化所得盡數與之人或取其衣履亦不吝與之肉食給曰素也卽食之皆笑以爲癡一日忽無病以死將死招所善寺旁一人與之一緘曰有急發之後其人疽發背甚危發緘得方竟愈

鍾祥志

嚴蓬頭襄陽人早歲爲頭陀淡然無所好棗陽王嘗賜一銀鍾戴一宿而返之鎮守純德山李太監捨銀七百兩不受曰吾孤雲野鶴安用此爲卒不得辭乃轉送太和山柳太監修滄浪亭

襄陽府志

道高襄陽李氏子祝髮南京棲霞寺博覽經教兼修妙觀年甫十
八道行孤高一日告師曰古佛來迎吾其西矣卽說偈而逝襄陽府志
單道安均州人從南巖張真人學道弗怠真人昇舉後潛於疊字
峰屏絕人事洪武初遊西華終南諸山仍居重陽萬壽宮一日以
所受元祕與門人而去門人李素希瘞其冠履於五華仙塋太和山紀
略

麤子李正德開太和山道士以其但噉麥麤故名荆藩永定王禮
聘至寓蘄武當宮衣破衲不食屢迎入宮祈長生訣不得但云儒
者修身齊家而已賜金帛甚厚皆委棄辭歸王遣十校送之至漢
口臥舟中忽不見後復遣校至山則云尸解矣校歸又見其持鉢
行走如飛王後以事干宗正條例幾廢國思道士言改悔卒稱賢

王雍正志
顧氏家傳

志百六十九

人物四十七 仙釋傳

三

行緯字惠健姓金氏竟陵人爲碧雲講師法嗣居賢首寺精通教
典講楞嚴圓覺者數朞寺舊有經藏歲久殘缺行緯募金至白下
請全藏歸又修禮四明慈雲懺儀大弘佛事著有圓覺彌陀解及

規鑒錄沔陽志

黃衣和尚不知其名初創保康縣時居珠藏洞小庵中嘗衣黃衣
因以爲號遇虎狼叱而馭之渡水衣履不濕後不知所終雍正湖廣志

嘉慶志

何元齡荆門道士年未及二十遭歲大旱自言能致雨請試乃棹
小舟以劍畫水訂雨期至期蒙被而臥但云東南若有片雲起則
呼守土官迎拜受雨雲果起其徒如言白之官官答之而反元齡
乃畫徒手使握固復請不來者展其手徒復之官官遂盛怒徒如
言果雷電交作官乃大驚迎拜大雨如注隔河人有不信者元齡

笑曰余亦不雨之雨果不及又嘗爲人作法使其舟逆流行五百餘里一夕而至拯其人於殆云天啟問荆門道士善祈雨者又有賈太和其術取水一盂取青布揉洗水黑天亦黑以指彈水卽雨傾其盂卽止尤奇於元齡荆門志

瞿一瓢者居荆門不知其名飲食止盡一瓢故以一瓢稱之冬夏惟一衲人叩以禍福不肯答答無不驗者又能爲詩荆門志

正誨號無跡當陽劉氏子十歲祝髮於石室山二十詣荆南訪天柱和尚天柱器之留三年徧閱大藏天柱歿乃入都登講席慈聖太后賜千金修玉泉寺自都歸省訪度門於玉泉東七里以其地荒涼閉關靜修天啟六年無病卒塔於神秀之旁著有八識略莊

子注詩文稿荆門志

月堂江陵百里洲張氏子少祝髮庾臺寺中及長徧參吳會諸老

志頁六十九

人物四十七 仙釋傳

三

宿還住東華樓復與庾臺經律該博問答如響人人各得其意以去晚而爲其祖父營墓田付託事已喟然歎曰吾可以去矣一夕命筆題四偈而逝荆門志

一門枝江人姓王氏已娶妻生女忽一夕聞滿房藥香遂神於醫出家構庵以居不誦經不參佛遇人病來問許愈卽愈且豫知其來往往命徒候門素未嘗讀書乃教諸生應舉曰讀書參禪初念爲真諸君場中得題一審其平日所習便揮詞成章卽是本來面目若二三其念便失其真矣平生所建殿宇甚眾無病以終荆門志

墮宗萬曆時宜都僧居宋山精禪理荆藩惠王及賀妃俱奉佛師事墮宗崇禎時惠王鑄銅佛十二供養宋山賀妃復手書華嚴經八十二卷授墮宗藏之宋山本名嵩山相傳宋時有宋氏女得仙

於此故易名爲宋山云荆門志

雷九功夷陵人生有異相手可過膝少不慧一日有道人呼其小字從之遊歸而知未來事年僅弱冠告家人行期至期死後三十日室有火光視之得九功手書別家人詩遂傳爲尸解云雍正湖廣志

寂明施南衛僧爛於武藝崇禎七年流寇猖獗檄施南東鄉二司進剿以指揮鄧宗震唐德堯及寂明分督其師至巴東平陽壩遇賊大隊敗績寂明死之施南府志

清

黃友石字米公江夏諸生能文工書嗜道術棄妻子瓢杖逍遙作江南隱仙菴律師道號冲陽後遊名山莫知所終江夏志

中莖武昌余氏子九齡讀法華經有悟遂祝髮極樂寺乾隆初自普陀歸龍王廟一日火起莖誦經不輟尋諸殿寮俱燬惟經室獨

卷百六十九

人物四十七 仙釋傳

天

存武昌志

草鞋道人者武昌諸生也少習舉子業屢試不第遂迹黃冠拾途閒敝草履編葺成屋居之因以得名寒暑一衲不炊食常從人乞魚肉生啖之或兀坐草室經月不出亦不食偶發顛語多驗人問之則又不答一日告於眾曰明日當別矣翌日眾往覘之已化去道人常言草履可驗陰陽兼已百疾每將雨輒有雲氣布履上歿後人爭取之病者燒灰服之立愈秋鑑叢話

天定字雙溪武昌人新隄廣佛寺僧工詩所與遊皆知名士贈涵師遊峨眉歸一首沈宗伯德潛選入別裁集沔陽志 案別裁又有元祚詩二首元祚

雲夢人

福清武昌人棄家落髮於黃岡修靜庵掩關趺坐日夕誦經不輟積十餘年其坐處夕輒有光後潛往庵後積薪舉火自焚人驚視

之烈燄中猶誦經如故

武昌志

楊易生蒲圻人自言年已百歲往來江漢間與人言質實平淡壹以修身爲務嘗遊太和未幾卽返曰山中人具殺機不可與處別結茅以居潛棲卻粒日啖泉一勺久之端坐而逝酷暑三日面色

如生

蒲圻志

曹邦南咸寧人性至孝母歿刻木肖像事之如生旣爲道士發念修濟倡建朱家河橋募化於某富室跪階下七日天忽大雪富室見空中一女子擁蓋遮邦南雪不及衣感而解囊橋賴以成

咸寧志

潘守器崇陽人明末遜迹黃冠工書畫能詩遇異人授導引內鍊諸術雲遊至晉省寓純陽宮嘗靜坐累月不食康熙朝晉撫薦送入都乞還山年九十有九羽化

崇陽志

律愨字湧波崇陽巖頭寺僧俗姓余氏初生時墮地一笑長深於

志頁六十九

人物四十七 仙釋傳

三

禪理能詩通經生家言主長慶灌溪巖頭三寺辭世之日索筆作偈微笑而逝律愨之後有儀佛者字妙明崇陽汪氏子性聰穎精釋典得戒洪山受法歸元徧歷名山由峩眉至京師乾隆中迎駕者三御書福字賜之

崇陽志

黃蘊和通山人爲朝陽洞道士習靜有年一日朝飯甫畢投箸疾走至洞旁子午石飛身而下石高十數丈又峭壁如削崖半叢榛挂衣一片及地氣絕趺坐如生留有飛昇詩

崇陽志

生生道人不知姓名或曰漢陽人嘗往來咸蒲間行符水方藥多奇驗咸寧有郭氏宅地忽軟如泥不可下足屋瓦欲傾道人爲布罌置符地如故久之失所在順治初有人遇於會垣負葫蘆行賣藥問之曰吾偶寓迹仙棗亭詰朝可相訪次日往無所遇不知所

終

咸寧志

沔陽百子庵僧不知其名持鉢乞食不應卽去瞑目靜息嘗不食數日諸惡少或擊之仆地起復危坐無忤孝廉陳祖祺讀書庵中一日示陳以偈曰數十年來無故東處化到西處而今參透禪關踢倒須彌便去無疾卒又有寒石者沔陽龍華寺僧狀若癡言禍福輒中人餉齋供者苟有後言輒還之康熙五十二年卒沔人爲之立碑

沔陽志

張志中字雲房漢陽人也乾隆丙辰舉人工爲文在都中有相國覽其文欲以宗誼招致之志中謂其人曰吾家寒素非貴人族中年慕道遂往峨嵋山不返至乾隆甲寅有人自丹稜來持書寄其友陳笠田乃知其尙存已九十餘歲云

漢陽志

松柏漢陽僧素有戒行結茅於玉三里之東嶽廟咸豐甲寅粵賊犯漢陽擾及四鄉松柏憤甚伺賊入廟出其不意擊斃一賊眾麕

志頁六十九

人物四十七 仙釋傳

三

至擒至柏林莊罵不絕口遇害同時有能性宏開自省昌智源清鎔貞長修四喜德諸僧及道士徐明浩皆先後不爲賊屈而死

漢陽志

僧幻寄孝感邑北宋家岡人俗姓宋年十二出家於安州天后宮有志於明心見性之學受具於隨州寶峰寺慧和尚後徧參金山天寧淨慈靈隱天童諸大刹又謁南海五臺至京師龍泉寺與清遠長老談禪數月旋回楚三應歸元首座道光庚寅回孝感水府廟閉關不出寺門者幾二十年著有禪宗頌古四卷其曾孫如崇繼祖志授之梓如崇字雲舫亦能詩

孝感志

冲然俗姓李黃陂人六歲喪父性傲岸不羣母病割股救之年二十五出家隱迹黃安天台寺竝上方寺順治中建素山爲禪林主之先定涅槃之期與素交者晤談笑自若次日茶毗火中現半身

色如金黃陂志

正義黃陂李氏子參天童和尚以聞爆竹聲得悟機鋒圓捷晚年歸楚開法席於素山年七十豫定死期自舉火為偈合掌坐化正雍

志漢陽府志

無逸和尚者黃陂縣催科役也一日持牒至農民家力倦僵臥於壁側主人貧失措擬殺牝雞以待無逸夢一黃衣婦乞救云吾不惜一死奈雜何覺而見主人持刀提一黃牝雞將割之無逸止之頓悟不復為役薙髮為僧住城南圓通菴自號無逸多智慧後跌坐化去適有人從西歸見騎驢路上寄以偈云人在公門正好修諸君何不早回頭且看今日騎驢去極樂西方任我遊黃陂志

宗海沔陽左氏子幼習儒十餘齡依僧薙染受戒於無垢碧雲禪師後於白兆宗老人處參竹篋子話發明心地住信陽之白雲寺

志貞十九

人物四十七 仙釋傳

三

歸沔住天保寺六時念佛禮懺不輟能詩善書醇樸閒雅有古名僧風人士多親之年六十二說偈而化沔陽志

杏巖禪師名戒岳黃岡人初參蓮池後於三昧律師處受具足戒如紫柏可公憨山清公皆往參叩投梵行品為心地要門屬令弘講華嚴大經順治初駐錫沔陽無垢庵後歸麻城如是山年七十四說偈而化著有圓通宗說華嚴略提圓乘日用諸書沔陽志

明星黃岡人祝髮於梵王宮勇敢有戒行嘗隨鄉勇擊賊有功咸豐五年正月賊上竄黃州城陷星與明照明清立行諸僧從知縣翁汝瀛勦賊於漢口敗績死之是年十月其徒懷彥元坤復禦賊於吳泰村南四方湖皆陣亡黃岡志

正令字古帆麻城人母余氏夢梵僧投室而娠長投五峰庵薙染徧參名宿聞中州靈山百靈然道風響播負笈趨侍遂為靈山首

嗣嘗北遊五臺流覽泉石皆以詩紀之歸自燕都由靈山復往壽山晚於方丈後構方亭白兆宗和尚爲題曰朝宗閣日危坐高吟作書自樂著有朝宗閣詩集十刹語錄法嗣宗毓字杲英安陸人上詩精戒律著有語錄及萍亭纍珠集

安陸志

胡和尚麻城人乾隆閒入峩眉山冬夏一徹衲遇事前知土人以爲妖執繫之獄數日不與之食亦不餓縣令驚而釋之歸里遂入靈聖洞採松葉爲食十餘年不出跣趺坐逝

麻城志

人稀黃安尼僧也年二十餘而寡苦節數年事姑極孝旣削髮爲尼募建綠波庵朝夕誦經以姑老仍迎養庵中賊至肩負姑以逃賊徧焚民居庵竟不燬

黃安志

海門廣濟人姓饒名定中字亢子年十六爲諸生明末削髮於紫芝峰每行腳必載其父詩藏之袋中後卒於溧陽入峩三年有新

志貞六十九

人物四十七 仙釋傳

三

縣令至寺見封室必欲啟視之比啟有某年月日某人開瓶字一一不爽

廣濟志

宗一居氏子廣濟人明末讀書白鹿洞遇異僧遂披剃了悟禪宗後駐錫蘄州之朝西庵著有語錄

廣濟志

宏淖禪師安陸陳氏子出家參雲門信於徑山問如何是佛法大意信曰無恁麼事且坐喫茶師曰今日親見明眼尊宿信首肯之屬師開法衢州天寧明果紹興大善雲門康熙甲寅二月四日師於天寧坐化弟子迎龕建塔明果壽七十六

安陸志

實蔭字佛裔德安準提庵僧嘗至杭州聖因寺受法於焚公歷主乾峰聖因淨慈諸寺著有語錄四卷工畫山水尤淡遠又竹風字半壑亦德安準提庵僧善詩畫乾隆時雲遊江浙閒後於都門示

寂

德安府志

響山和尚應城人縣有楊氏子作僧湖南者三十年不歸一夕見夢於其嫂寤而生響山幼出家長而慧性異人久居京師順治初召入大內講經稱旨賜千佛珠衣晚年歸里奉部文建寺因再生斯地名其庵曰二生著有語錄詩草若干卷行世今珠衣尚存城志

古壑應城胡氏子出家住天門香雨庵閉修二十餘年註金剛法華楞嚴三解兼工詩畫年八十餘入涅槃天門志應城志

佛志號梅松應城人幼即不苟葷年三十餘祝髮城隍廟為僧寒暑一衲不易遊名山殆徧每赤足行砂磔冰雪中不為苦歸寺後閉關十年晝夜趺坐或數日不食而精爽自如後住西湖香積寺應城志

隨州長慶寺老僧失其名順治初寺已盡廢僧發願新之苦行修

志貞十九

人物四十七 仙釋傳

三

募越二十年告成或云僧本農家子明崇禎間流寇至負父竄入寺於佛前自誓若父得無恙願出家為僧重建此寺乃耕寺後隙地養其父者十有二年父死即祝髮寺僧以其齒已長弗敢為師故無度牒因卒無名隨州志

梁清格字書城鍾祥人少為元佑宮道士端雅清介有士君子之行游京師學琴於大興徐越千遂工其技晚年被酒為人一彈人多不解自怡而已年八十餘神采如壯歲所為詩多內養自得之言鍾祥志

鐵漢和尚京山人居金陵牛首東峰下獨坐數十年畜二猿自隨有所須猿輒解意與龍眠方坦庵善特構一軒方來即居之號曰坦軒和尚化去二猿悲鳴不已死葬於塔側池北偶談

貫堂名瑞京山王氏子年二十投石門觀音寺雪松和尚披染徧

遊吳越閩廣歸復就本寺受具足戒聞槐陌明倡道巖頭往造其室示以趙州無字話明爲人嚴峻咨請未已輒痛棒出遂發憤入寮七晝夜目不交睫忽聞雞鳴豁然大悟後住京山石峰寺有語錄二卷

京山志

萬慈京山人俗姓王幼業儒因母死流寇之難誓願披削以報深恩出家於隨之大洪山寺旣而徧遊諸方歸見僧寺頽廢奮發初地重樹宗範講說精勤雲濟一燈復照徹隨郢閒嘗蒐羅唐宋以來遺篇軼事爲大洪山志一書甚爲時重

隨州志

定松潛江人初補諸生尋棄去爲僧洞澈心要往遊峩眉歸至宜昌忽擲經卷行騰江中遂佯狂居荊州某寺一衲寒暑不易人與之言多不省其有答者則必其人之隱曲也或稱其梵行曰予名教罪人也曷若樂孔顏之樂哉久之顛益甚主僧惡而逐之時天

志百六十九

人物四十七 仙釋傳

三

大雪夜臥山門外比明寺僧見之謂其僵踣就視氣休休然出衣帶雪皆化矣眾僧白之主僧請迎歸移居章華寺二年疾終年七十餘

采訪册

寂宗字超凡天門青龍庵僧明季流賊殘虐僧每當賊至坐山門誦經賊自懾退匿庵中者全活數百人年九十六無病卒

天門志

璽旨天門郭氏子母孕卽忌腥葷產亦不肯食腥乳長爲僧滴露庵面壁趺坐數十年里中疫興率眾僧行淨所過皆無恙一日有盜自投曰夜入大師室有鬼神畏而出願從此爲良民矣後出遊歸無病而卒

天門志

廣修襄陽鄭氏子幼爲鐵佛寺僧旋居京師白衣庵大學士單懋謙重其人爲重葺庵舍襄陽上計者主廣修廣修必以道義相規久之曰相國以是庵庇僧僧老欲還故鄉請爲相國庇鄉之君子

遂以其庵爲襄陽試館廣修歸襄後葺峴石寺觴詠其間年七十
五無病卒襄陽志

慧山字天一不知何許人相傳爲明孝廉國變後奉母偕隱母爲
光化南山尼山爲圓覺寺僧養母不懈人又呼爲孝僧云光化志

馬白眉光化人生而岐嶷好神仙嘉慶十八年有道人鬚髮皤然
行乞市中所獲錢悉散諸羣丐擊鉢歌曰四圍俱是漢水繞諸公
早買渡生船他人皆不知異獨白眉異之行與之偕一日告家人
曰吾隨丐仙去矣遂不知所往後五日漢水果驟漲光化志

韓合宣鄖西人幼慧自云前世爲僧七歲造其寺訪其長老皆驗
以父母存不忍去及父母相繼沒乃入嶗山爲道士康熙初居仁
威觀一日招所交遊話生平或後日事談笑終日忽正坐拱手而

瞑鄖陽府志

志百六十九

人物四十七 仙釋傳

三

王道人名仁同住鄖西元真觀勤於操作繞池種樹無虛日又豪
宕好走馬擊劍年七十許如健兒嘉慶丁巳教匪蹂鄖西其教頗
依附二氏故有貌僧道以免死者道人乃結束乘馬舞雙刀直奔
其隊往來馳突所向皆披靡卒中創死王方山王道人傳

慈林姓李氏荆門人天啟閒遊南嶽紫荆諸峰力修苦行後省母
歸州之蛟尾結慈雲庵寒暑晦明衣不解帶順治十一年至隨州
三衣庵預知死期先一日升龕禮懺至期而卒荆門志

風僧姓劉氏不知其名居荆門十迴橋之城隍廟與人言率失其
本指而往往奇驗行歌市上或笑或罵或大哭不止咸豐四年粵
寇曾天養竄荆門聞道趨江陵未至至十迴橋市上人皆走風僧
獨留賊入廟詫曰汝不畏死乎曰我固不畏死汝死亦不遠一賊
曳令去曰此風漢耳曰我豈風哉汝曾無故而反乃可謂之風於

是羣賊皆怒競前挽其鬚磔之

采訪冊

悟誠江陵人少遠賈歸母病死透墳悲啼數日遂風魔爲僧往往露奇迹予以食過數升不飽所居二神寺在城南人或留之城中城門扁寺中仍見誠還臥於寺宦家以瓦缸蓄魚誠見擲之曰擊破好不數日有童斃其中又嘗至一家急持斧升屋須臾旗營火起延至屋持斧擊之火竟獨反一日道遇旗員曰公明日救我其夜獨行城中值尉出邏囚之獄因救而出之卒後數月有於燕市見誠者道光十九年沙市大火延燒數百家其時又有一浮屠飲酒肆中酒保曰市有警和尚勿飲曰無妨也移時保入曰今火乃向此和尚勿飲曰安得遂火此耶移時保乃大號曰火至和尚乃徐起脫敝衲令覆屋上笑曰何如火遂越酒家而去亦失和尚所

在荆州府志

志頁六十九

人物四十七 仙釋傳

美

性空江陵資聖寺僧虔奉華嚴經持行不怠者數十年嘉慶丁卯

積薪自焚烈焰中現阿羅漢相異香三日不散荆州府志

可道江陵草市僧雖爲僧篤孝其母養母於精舍道光壬寅大水潰隄草市當其衝可道奉母避之樓上水湧樓倒乃左掖母右抱柱以浮母則號曰我死不足惜爾不可不活爾速捨我可道不聽母因掐其膚至血出不釋手漂至馬河遇救生船拯之母子俱無恙可道亦略能爲詩荆州府志

劉逢源字近丹監利人少習儒業年二十餘妻死不復娶獨居一小屋四十餘年略能辟穀夜中往往似與人談論視之乃寢家人習常不復怪至七十不老乾隆末忽失所在俄而里中與人持其履至曰翁乘吾輿至江上有老人艤舟待翁翁登舟脫笠加翁首將去屬吾此履履中有書其子發書乃言其三十時遇仙人授丹

陵又有宏源僧者頗通禪能詩著有甘泉集

宜昌府志

李學松興山何家坪李文堯義男也實興山賈姓子道光中乞食於鄉文堯憐而子之性至愚見人每笑而不言長娶於魏氏不婚而逃於興邑城隍廟爲僧後復住持於巴東蓋盆壩咸豐十年二月採薪火化樵者見之越數日執經在手不仆土人於其所立塔建廟於側迄今各廟繪像祀之呼爲李大仙

興山志

常寬來鳳僧咸豐辛酉粵賊大至寬不避而繩賊以法賊憐其老笑置之寬益怒罵賊乃擁至寺後殺而分其尸投諸河

施南府志

清遠利川人披剃於一品山後居京師龍泉寺利川拔貢生吳錫三歿於京師清遠使人送其喪以歸其子崑山以書謝清遠答曰某自退居後一意檢藏不染外緣至於尊人歸櫬一事乃一時激於義氣卽揆以桑梓之誼亦分所當爲不足獎譽若先生不忘舊

志頁六十九

人物四十七 仙釋傳

美

好護持家師則感情多矣時論嘉歎

施南府志